

# შინაური საქმეები

ყოველკვირეული გაზეთი.



№ 2.

411  
1910/09

თბილისი, იანვარი 10, 1910 წ.

ცალკე ნომერი ღირს 10 კაპეკით.

ადრისი: ქუთაისი „შინაური საქმეების“ რედაქცია

**შინაარსი:** საახალწლო ფიქრები ახალი ეგზობრსის მოლოდინში—ხელისა; კიდევ ქართული საეკლესიო წიგნების შესწორების შესახებ—დიმიტრას მამიდაშვილისა; სიტყვა—დეკ. კ. ცინცაძისა; იმერეთის მარშლებს (ლექსი)—ხობოძისა; დევანოზ იოანე ვოსტორგოვის სიტყვების გამო საქართველოს მოკლულ რუსი ექსარხოს ნიკონია შესახებ—ლ. ჩიხელისა; რას ამბობენ შესანიშნავი აკამიანები ბიბლიის შესახებ—ო. მჭირისა; ნინოების მოლოდინში—სვირელისა; დავიანებული პასუხი—თ. საგანელიძისა.

## წელიწადი მისაგე.

მიიღება ხელის მისაგე 1910 წელს

საეკლესიო და საზოგადოებრივ ყოველკვირეულ „**შინაური საქმეები**“

საბლალოჩინო ოლქს ორი ცალი გაზეთი უფასოდ დაეთმოება ღარიბ ეკლესიებისთვის, თუ ათ ცალს გამოიწერს და ხვედრ ფასს ნახევარს მაინც წინდაწინ წარმოადგენს. სოფლის მასწავლებლებს და მოწაფეებს გაზეთი 3 მანეთად დაეთმოება. გაზეთი არავის გაეგზავნება, თუ ნახევარი წლის გადასახადი დაზღვევისათანავე არ შემოიტანა.

გაზეთის წლიური ფასი ყველგან 4 მანეთი.

17056

ყოველკვირეულ გაზეთ

## „შინაური საქმეები“

ხელის მისაგე მიიღება რედაქციაში, ქ. ქუთაისში (სახურთადა—კახაკაიის შესახვევში № 17) და თბილისში გამომცემელთან სომხის ბაზარში.

წლიური ფასი 4 მან. ნახ. წლით 2 მ. ჯ რიკ.

გაზეთი ღებულობს დასაბეჭდად ყოველგვარ განცხადებებს.

## საახალწლო უიჰრები

ახალი მისარხოსის მოლოდინში.

ახალ ექსარხოსს მოველით. სწორეთ რომ ვსთქვათ, მოელის მრავალტანჯული ყოფილი ივერიის ეკლესია. იყო დრო როცა ივერიის ეკლესიას თვალი აღმოსავლეთისაკენ ექირა და იქილგან ელოდა თავის სულიერ მამას; ყოველ მის მოსვლას სიხარულითა და აღტაცებით ეგებებოდა, ყოველ მის მოქმედებას და განკარგულებას სული წმიდის შთანა-



გონ ქეშმარიტებად ღებულობდა და უსიტ-  
ყვოდ ასრულებდა. და ამას ხელს უწყობ-  
და ის გარემოება, რომ უცხოელი მწყემსთ-  
მთავარი საქართველოში სრულიად ივიწ-  
ყებდა თავის თვისტომობას და ხდებოდა  
ღვთისგან ჩაბარებული ეკლესიის ინტერე-  
სების ნამდვილი სულით და გულით დამ-  
ცველი. საქართველოს საზღვარს რომ  
გადმოსცდებოდა, იგი უცხო ტომის წარ-  
მომადგენელად აღარ რაცხდა თავს და  
უკვე საქართველოს ხალხის და ეკლესიის  
ინტერესებს იცავდა. აღმოსავლეთის  
ეკლესია არასოდეს ძალდატანების  
გზაზე არ მდგარა და ნაციონალურ  
სარგებლობას ყოველთვის უკან აყენებ-  
და ეკლესიურ-სარწმუნოებრივზე. სწო-  
რეთ ეს იყო მიზეზი, რომ ეკლესიურ  
ავტოკეფალობის შემოღებამ სრულიად  
უბრძოლველად ჩაიარა და დიდი მაცა-  
დინობა და ხვეწნა-მუდარა არ დასჭი-  
რებია. ან რომელ მართლმადიდებელ  
ტომის ხალხს დასჭირდა მის წინააღმდეგ  
ბრძოლა მისგან ეკლესიურ ავტოკეფალო-  
ბის შემოღებისათვის? თვით რუსეთის მარ-  
თლმადიდებელმა ეკლესიამ განიცადა  
ასეთი მშვიდობიანი დაფუძნება თავის  
ავტოკეფალობისა. ერთი სიტყვიერი  
უარიც არსად განუცხადებია აღმოსავ-  
ლეთის ეკლესიას ასეთნაირ სურვილებ-  
ზე და, მცველი წმ. მოციქულთა და  
მსოფლიო კრებათა კანონებისა, ვერც  
განაცხადებდა. ასეთი არა ქრისტიანული  
ჩვეულება სჭირდა და სჭირს მხოლოდ  
დასავლეთ, პაპის ეკლესიას. მისგან არა-  
ვინ განთავისუფლებულა მშვიდობიანად,  
თუ არა საშიშარ უარყოფის და მწვა-  
ლებლობის გზით.

იცვალა დრო. ერთხელ თვითმმარ-  
თველად აღიარებული ეკლესია დროთა  
ვითარების გამო მისუსტებული, ღონე-  
მიღეული, იძულებული ხდება დაუთ-  
მოს ძალიან მორეობას და ჰკარგავს თავი-  
სუფლებას; და აი დღეს ჩრდილოეთიდან  
მოვლის სულიერ მამას, მოძღვარს და

წინამძღვარს. კეთილი იყოს მისი მოსულა!  
იგი ხელს არ ჰკრავს მას. მაგრამ მართა-  
ლი უნდა ვსთქვათ, რადგან ამას გვავა-  
ვალებს მაცხოვარი, ის ძველებური აღტა-  
ცება და სიხარული აღარ ატოვებს თანამე-  
დროვე ქართველ მართლმადიდებელ,  
ქრისტიანე ეკლესიის გულს, რომელსაც  
განიცდიდა იგი მეოთხე საუკუნის პირვე-  
ლი ნახევრიდან, ვიდრე ვახტანგ გორგას-  
ლანამდე. მართალია, ბევრი მიხლამ-ობლა  
დღეს, ბევრი ტელეგრამები და მილო-  
ცვები, მაგრამ ყველა ეს მედლის ზედა პი-  
რია, ყველა ეს გარეგნულია. და გამოხა-  
ტავს ძმური განწყობილების და სიყვარუ-  
ლის კავშირის სურვილს და არა მის შე-  
დეგს. კარგა ხანია ექსარხოსებმა უარჰყვეს  
ქართველებთან ძმური კავშირი და მოვე-  
ლინენ საქართველოს ეკლესიას პო-  
ლიტიკურ აგენტებად, რომელ თანა-  
მდებლობასაც არაფრად მიიჩნია სიყ-  
ვარული და ძმური ერთობა. ცნო-  
ბილია, პოლიტიკური მისწრაფებანი  
ხშირად ეწინააღმდეგებიან სარწმუნო-  
ებრივს და სწორედ ეს გახდა საბაბათ,  
რომ საქართველოს ეკლესიამ მოითხო-  
ვა ავტოკეფალობა.....

როგორ უნდა მოიქცეს თანამედრო-  
ვე ექსარხოსი, რომ თავი მაინც მოსწმინ-  
დოს იმ საშიშარ და სასიკვდილ იარაგს,  
რომელიც დაასვა საქართველოს ეკლე-  
სიას ასი წლის ექსარხოსობამ? 1) მან  
უნდა თავი დაანებოს ყოველგვარ პოლი-  
ტიკურ მისწრაფებას და უყუროს თავის  
სამწყსოს არა ვიწრო ნაციონალურ  
თვალსაზრისით, არამედ ფართო სარწმუ-  
ნოებრივი მხედველობით, რომ ქრისტეს  
ეკლესიაში არა არს ურიაობა, გინა  
წარმართობა, ბარბაროს, სკვითელი, მო-  
ნობა და სხვა. უნდა ღრმად ჰქონდეს  
შეგნებული, რომ მისი მოვალეობაა მო-  
ამზადოს ადამიანი ზეციური სასუფევე-  
ლისათვის. 2) მან ღრმად უნდა შეისწავ-  
ლოს თავის მართლ მადიდებელ სამწყსოს  
(უმთავრესი ნაწილის მაინც) ენა, ზნეჩვე-

ულებანი და სარწმუნოებრივი თვისება  
ნი. 3) ხშირად უნდა უნდა მიმოვლიდეს  
თავის სამწყსოს და პირადად ადგილო-  
ბრივ ეცნობოდეს მის სარწმუნო-  
ება-ზნეობრივ მდგომარეობას 4) ნება  
უნდა მისცეს თავის ქორეპისკოპო-  
სებს, იცხოვრონ თავის რაიონებში  
და ახლოდგან ადევნონ თვალყური რწმუ-  
ნებულ სამწყსოს და მწყემსთა. 5) სიტ-  
ყვით და საქმითა ხელი შეუწყოს შერ-  
ყეულ სარწმუნოების აღდგინებას, რის-  
თვისაც საჭიროა შექმნას სხვა და სხვა  
სარწმუნოებრივ-განმანათლებელი დაწე-  
სებულებები, დაეხმაროს და მოყვრულ  
თვალთ უცქიროს უკვე არსებულებს.  
6) არ შელახოს და არ შეავიწროვოს ადგი-  
ლობრივ მწყემსთმთავართა მოციქულთა  
და მსოფლიო კრებათაგან მინიჭებული  
უფლებები, არამედ იქონიოს მათთან ძმური  
განწყობილება სადიდებელად ღვთისა და  
სასარგებლოდ ეკლესიისა. 7) აღადგი-  
ნოს ქართული წირვა ლოცვა, სადაც  
ამას მოითხოვს სამწყსოს მდგომარეობა.  
8) შეიგნოს და შეისწავლოს ძირითადი  
საფუძველნი ყოფილ ივერიის ეკლესი-  
ისა, რომელნიც მისცემენ მას დარიგებას  
და ზნეობრივ ძალას მოიქცეს ისე, რო-  
გორც შეფუერება მაცხოვრის მოადგი-  
ლეს, მის მოციქულს.

ხელი.

**კიდევ პათულ საეკლესიო წიბ-  
ნების შესწორების შესახებ.**

ხალისით და გულდადებით გადავიკითხე  
დეკ. კ. ცინცაძის წერილები ჩვენი საეკლესიო  
წიგნების შესახებ\*) მ. ცინცაძე გვიმტკი-  
ცებს, საჭიროა ჩვენი საეკლესიო წიგნების  
შესწორებაო, მაგრამ ვერ ვაგვიგია, ვისთვის  
დასჭირდა ამისი მტკიცება პატივცემულ მო-  
ძღვარს! ვინ იყო ან ვინ არის საქართველო-

\*) იხ. „ზინ. საქ.“ №№ 36 და 37.

ში ამ აზრის მოწინააღმდეგე, ამ საჭიროების  
უცოდინარი, ამ საქმის დამცარავი და დამა-  
ბრკოლებელი? ბ. ბ. ხელი, რამჟღელა და  
სხვები, ვინც კი შეეხო ამ საკითხს, ყველანი  
ერთხმად აღიარებენ ხსენებული წიგნების შე-  
სწორების აუცილებლობას, ხოლო ეს შესწო-  
რება, მათი შეხედულობით, უნდა სწარმოე-  
ბდეს დიდი წინდახედულობით, დიდი სიფრ-  
თხილით. საქმის ზედმიწევნითი ცოდნით და  
პირველში უთუოდ კერძოთ. შემდეგ ესეთი  
შრომა უნდა განხილულ იქნეს სასულიერო  
უწყების კომპენტენტური დაწესებულების მიერ  
და, როდესაც უკანასკნელი მოიწონებს წარ-  
დგენილ შრომას, როდესაც სასულიერო და-  
წესებულება თავისი ავტორიტეტით სავალ-  
დებულოდ გახდის შესწორებების მიღებას,  
მაშინ და მხოლოდ მაშინ შეგვეძლება ამ შეს-  
წორებათა შეტანა ეკლესიურ ხმარებაში. ამ  
აზრს ერთ წუთსაც არ უნდა ივიწყებდეს ის,  
ვინც ხელსა ჰკიდებს წიგნების შესწორებას,  
წინააღმდეგ შემოხვევაში გამოვა წიგნების  
შებლაღვა, შებილწვა, გარყვნა, დამახინჯება  
და არა შესწორება, არა გამართვა და აღდგე-  
ნა ნათქვამის სანამდიღე თვალსაჩინოდ,  
მტკიცდება მ. ცინცაძის საქციელით. დეკ-  
ციცაძეს, როგორც მისი წერილიდან სჩანს,  
უნებებია თავისთავად, დაუკითხავთ ვისიმე,  
ძველსა და ახალ კონდაკებში დაბეჭდილი  
კვერქის „აღუსრულოთ ვედრება ჩვენი უფა-  
ლსა“ ამ გვარად შეცვლა: „აღვასრულოთ  
ვედრება ჩვენი უფლისა მიმართ“. რა საბუთით,  
რომელი მოსაზრებითო, იკითხავთ. მოუსმინოთ  
შემსწორებელს.

• თუ დაუკვირდებით წირვა-ლოცვის იმ  
მომენტსო, ჰძანებს მ. ცინცაძე, როდესაც  
იხმარება ეს კვერქისი, გავიგებთ, რომ ამ  
მოწოდებით დიაკონი (ანუ მღვდელი) აღწო-  
ბებს მვედრებელთ, დროა საზოგადო ღვთის  
მსახურება (წირვა, ცისკარი, მწუხრი) გავა-  
თავოთო“.

სასტიკი შეცდომაა განათლებული დეკა-  
ნოზის მხრით ასეთი განმარტება და პირდაპირ  
მოვახსენებთ, რომ ის არას დროს არ დაკვირ-  
ვებია აღებული კვერქისის ხმარების მომენტს.

ნაჩვენები კვერქსი ყველა დროის ხელთნაწერ და დაბეჭდილ კონდაკების ლიტურგიებში (ოქროპირისა და ვასილი დიდისა) მოყვანილია შემდეგ დიდი გამოსვლისა ანუ საღვთო ძღვენთა სამკვეთლოდან წმ. ტრაპეზზე გადმოსვენებისა; ეს მომენტი კი მხოლოდ დასაწყისი, ჯერ პირველი ფეხის შედგმა მორწმუნეთა ლიტურგიაში და რა ქუაში მოსასვლელია, რომ აქ დიაკონმა ან მღვდელმა აცნობოს მლოცველებს გავათავოთ, გვეყოფა, მოვრჩეთ საზოგადო ღვთის მსახურებას და სახლებში წავიდეთო! ეს „აფუ“ კი არა, სპილოს სიმსხო შეცდომა და „აღუსრულოთ“ რომ „გავათავოთ“—ს არ ნიშნავს ამ შემთხვევაში, ამისი მტკიცება სათაქილოთ მიგვაჩნია. არ დავიჯერებ, რომ მ. ცინცაძე და მისი ცნობილი მ. ნიკო დიაკონი ნაჩვენები კვერქის შემდეგ ათავებდნენ წირვას, რადგანაც ამ კვერქსიდან „მშვიდობით წარვიდეთ“— ამდინ კარგა დიდი მანძილია.

ამ მოწოდებას რომ ის მიზანი ჰქონდეს, რომელსაც მას აწერს დეკ. ცინცაძე, მაშინ უნდა ვსთქვათ, რომ წმ. იოანე ოქროპირს და ვასილ დიდს უაზროთ და შეცდომით მიუთვინებიათ ამ თხოვნისთვის მორწმუნეთა ლიტურგიის დასაწყისი. მაგრამ განა ჩვენისთანა ქიქლა—კოლოები უნდა უსწორებდეს ამ მსოფლიო მოძღვრებს ლოდიკას და მოფიქრებას? არა, ლიტურგიის წესის დამაარსებლებმა ჩვენზე ათასწილ უკეთ იცოდნენ ყოველი კვერქის ალაგი და არაფერი შეცდომა არ მოსვლიათ, რომ ორთავე დიდებულმა მამებმა მორწმუნეთა ლიტურგიის დასაწყისშივე გაუმწყესეს ალაგი თხოვნას „აღუსრულოთ ვედრება ჩვენი უფალსა“ „მითი“ Πληρωσθησεν τῆς δεξιῶν ὑμῶν τὸ Κῆρυα“, სრულებით არა ნიშნავს გავათავოთ, მოვრჩეთ დავთხოვოთ ლოცვასაო. ბერძნული მზნა „Πληρωσ“ ნიშნავს ავსებას (ქურჭლისას წყლით)

ამიტომ მოწოდებით „აღუსრულოთ ვედრება ჩვენი უფალსა“ დიაკონი (ან მღვდელი) ტაძარში მყოფთ ამხნევეს, აფხიზლებს, აგულიანებს და აქებებს მხურვალე, ბეჯით ლოცვისთვის, აბა ვეცადოთ, აბა მოვიწოდოთ, აბა, რაც შეიძლება, გულმხურვალეთ დავიწყოთ ღვთის ვედრებაო. მეტი მიზანი ამ მოწოდებას არა აქვს.

ეს კარგი და პატიოსანი, მაგრამ იქნება „აღუსრულოთ ვედრება ჩვენი უფალსა“, როგორც მ. ცინცაძე ბრძანებს, გამოსთქვამს იმ შეუწყნარებელ აზრს, ვითომ ჩვენს ვედრებას საჭიროებს უფალი, იქნება ასეთ თქმულებაში აღგილი არა აქვს ნება ყოფლობითს განწყობილებას და დეკ. ცინცაძესაგან მიღებული „აღვასრულოთ ვედრება ჩვენი უფლისა მიმართ“ კი გვიხატავს სწორე აზრს, რომ ჩვენი ვედრება ჩვენთვისვე საჭირო და აისთან ნაჩვენებ ფორმაში ალაგი აქვს ნება-ყოფლობითს განწყობილებას, რის გამოც იგი უფრო მკაფიოთ გამოხატავს ღვთისა და კაცთა შესაფერ განწყობილებას? დიად, ასე ბჭობს პატიოსანი დეკანოზი, მაგრამ, ვაი, რომ ეს მხოლოდ განყენებული, მშრალი და სოფისტიკური ბჭობაც ისეთივე თაღლითი და ყალბია, როგორც მისი დაკვირვება წირვის იმ მომენტზე, როდესაც იხმარება კვერქსი „აღუსრულოთ ვედრება ჩვენი უფალსა“!

მ. ცინცაძე საღვთო სჯულის მასწავლებელია საშუალო სასწავლებელში. წარმოვიდგინოთ ასეთი სურათი: დეკ. ცინცაძეს პატივის მცემელმა და მოსიყვარულემ მოწაფეებმა მოიყარეს ერთად თავი, ითათბირეს ბევრ რამეზე და ბოლოს გადაწყვიტეს—მოდი, რაც შეიძლება, კარგა მოუმზადოთ მ. ცინცაძეს ხვალინდელი გაკვეთილიო. ნუ თუ ამ დადგენილებაში ვინმე ამოიკითხავს იმ აზრს, რომ გაკვეთილები ცინცაძესთვის არის საჭირო და არა მოწაფეებისთვის? ნუ თუ ამ დადგენილებაში ვინმე დაინახავს ძალ დატანების ან იძულების ნიშანს? „მოუმზადოთ“ რომ ამბობენ ამითი იმას გამოსთქვამენ, რომ შევასრულოთ ისეთი საქმე, რომელიც მოსაწონი იქნება ჩვენი საყვარელი მასწავლებლისთვისო, რომლითაც ვასიამოვნებთ მის გულს, რომლითაც დაფუძტკიცებთ მას ჩვენს თანაგრძნობას, რომლითაც დავანახებთ მას, რომ მის მოძღვრებას სსურველი გავლენა აქვს ჩვენზე და სხ. ხოლო „მოვამზადოთ“ რომ თქვან, აქ სახეში აღარაა მიღებული მასწავლებლის პიროვნება, ჩვენ მოვამზადოთ გაკვეთილი და რას მიქვიან მასწავლებელი, მისი სიამოვნება,

მისი წყენა, მისდამი პატივისცემის გამოთქმა და სხვებიო. პირველი ფორმა მაჩვენებელია ისეთი საქციელის შესრულებისა, რომელსაც მოვლის მეორე მხარე და სასურველია მისთვის, მეორე ფორმა კი აღნიშნავს ისეთი საქციელის შესრულებას, რომელიც შეიძლება, არც მოსალოდნელი და არც სასურველი იყოს მეორე მხარესთვის. ამიტომ „აღუსრულოთ ვედრება ჩვენი უფალსა“ გაცილებით უმჯობესად და შესაფერისათ გამოსთქვამს ჩვენსა და ღმერთს შორის შესაფერისს განწყობილებას, ვიდრე „აღვასრულოთ ვედრება ჩვენი უფლისა მიმართ“. პირველ თქმაში სიმშვიდე, სიმდაბლე და გულის შემუსვრილება ისმის, მეორეში კადნიერება და მბრძანებლობა.

„ვედრება უფლისა მიმართ, სწერს მცინცაძე, ვალდებულობა კი არ არის, არამედ ისეთივე მოთხოვნილებაა ჩვენის სულიერი არსებისა, როგორც აზროვნება, უბნობა, გალობა და სხვ. ვედრებაო, განაგრძობს ჩვენი ავტორი, წმ. იოანე ოქროპირისა, გრიგოლ ნისელისა და ეფრემ ასურის აზრით, არის საუბარი უფალთან, ზე აღვლენა მისდამი გონებისა და გულისა, და ამისთვის მისი ვალდებულებად დასახვა ისეთივე უაზრო იქნება, როგორც სუნთქვის მოძრაობის და სმაქამის მოვალეობად შერაცხვა“-ო.

როგორ მოგწონს, ძვირფასო მკითხველო, ღვთისმეტყველება? სუნთქვა რეფლექტური მოქმედებაა; რეფლექტური მოქმედების განსაკუთრებითი თვისება იმაში მდგომარეობს, რომ იგი სწარმოებს და სრულდება კაცის შეგნებისა და სურვილის დაუკითხავთ, გარეშე, მიუხედავად კაცის შეგნებისა და ნებისა. ამიტომ მისი მოვალეობად დასახვა უცნაურობაა. მაგრამ ვერ გაგვივია, რატომაა უაზრობა ღოცვის დასახვა კაცის მოვალეობად? დიდი ღოცვა რომ რეფლექტური მოვლენა იყოს, მაშინ არა გვეთქმობა რა მოყვანილ მსჯელობის წინააღმდეგ, მაშინ მდლორე და პროფესორი, მღვდელი და სოციალდემოკრატი, ბაღალი და მოხუცებული ერთგვარი და თანაბარი უნებლიეთნი მანედრებელნი იქნებოდნენ

ღვთისა ისე, როგორც ეხლა ერთგვართ და თანაბრათ ვსუნთქავთ ყველანი; მაშინ ღოცვა არაფის ჩათვლებოდა მოღვაწეობად, კეთილ საქმედ, სათნოებად, მადლად. მაგრამ განა ღოცვა რეფლექტური მოვლენაა? განა ღოცვა ცოტა ღვაწლსა და ზნეობრივ შრომასა თხოულობს? განა ღოცვას გონებისა და ზნეობის განვითარება არ ესაჭიროება? განა საღვთო სჯულის სახელმძღვანელოებში ღოცვა სიკეთეთ, ღვაწლად, მადლად და სათნოებად არ არის აღიარებული? განა სათნოება და კეთილი საქმე მორწმუნე ქრისტიანისთვის ზნეობრივ ვალდებულებას არ შეადგენს? განა ზნეობის სფერაში ვალდებულება და სულიერი მოთხოვნილება ერთი მეორის ექვივალენტები არ არიან? აქამდისინ ეს ნამდვილათ ასე იყო, მაგრამ მ. ცინცაძე, ალბათ ღვთისმეტყველების სისტემის გადაბრუნებას აპირებს და ვნახოთ, მომავალი რას მოგვითქვანს.

ვერც მეცამეტე საუკუნის ხელნაწერი კონდაკები გაამართლებენ მ. ცინცაძის საქციელს. წინეთაც გვითქვამს და ეხლაც ვიმეორებთ, რომ ეს ხელთნაწერები ღვთის თითით არ არიან დაწერილები, იმათშიაც ბევრია შეცდომები. ჯერ უნდა მეცნიერულად შევისწავლოთ მათი ღირსება და მერე მივიღოთ ავტორიტეტებმად, თორემ მართა სიძველე სისწორეს არ ნიშნავს. ამაში თავისდაუნებურად მ. ცინცაძეც გვეთანხმება. სიტყვები „აღვასრულოთ ვედრება ჩვენი უფლისა მიმართ“ მას ამოუღია მეცამეტე საუკუნის ხელთნაწერი კონდაკებიდან, იმ განსხვავებით, რომ ხელთნაწერებში ყოფილა ზედმეტი სიტყვა „ღვთისა“ და ეს სიტყვა გამოუკლია მას, რადგანაც არც ბერძნულ კონდაკში ყოფილა. თქვენ გაიხარეთ, მამაო დეკანოზო! ეხლა ერთი ზედმეტი სიტყვა აღმოაჩინეთ ხელთნაწერ კონდაკებში, მაგრამ უკეთესათ რომ შეისწავლოთ სამღვთო წერილის ენა და ბერძნული ენის მეტი ცოდნაც რომ შეგწევდეთ, შესაძლოა იმაშიაც დარწმუნდეთ, რომ „Παρηγοιασμεν“ უფრო ზედმიწევნით გამოსთქვამს „აღუსრულოთ“, ვიდრე

თქვენგან შეწყნარებულ-შეყვარებული „აღვა-სრულოთ“.

დანარჩენში მ. ცინცაძის წერილი ბევრ საყურადღებოს არაფერს არ იძლევა, მაგრამ რომ საქმე სისრულით გაფარკვიოთ, მეორე წერილში ამ დანარჩენსაც განვიხილავთ.

დომიტრას მამიდაშვილი.

**ნინოზის მოლოდინში.**

(გუძღვნი ი. ს.— შვილს).

14 ამ თვეს ნინო ქართველთ განმანათლებელის დღესასწაულია. ამ დღესასწაულის შესაგებებლად ერთი კვირით, ერთი თვით უნდა ემზადებოდნენ. განსაკუთრებით ჩვენი დედბი. მაგრამ რას ვხედავთ? ბაიბური არ იძვრის არა თუ დედათა შორის, არამედ მამათა და მწყემსთა შორისაც. ეტყობა ეს დღე ისე უფერულად ჩაივლის ქუთაისში, და საზოგადოდ იმერეთში (ვაი თუ ქართლ კახეთშიდაც)! როგორც ყოველი უბრალო დღე. ხოლო რა შრომაში და ზრუნვაში მიმდინარეობს დღეები ქუთაისის ეგრეთ წოდებულ მაღალ წრის მანდილოსანთათვის, ეს ყველამ კარგათიცის. დღე ძილი, ღამე კლუბი, თიატრი და უზუნდარავალსი და ხან-გამოშვებით მღერა და ბანქო-ლოტო-ნარდი მის შედეგები..... მდიდარ დედამამის შვილმა ნინომ, რომელსაც ადვილად შეეძლო ფართო საერო გემოზე მოეწყოთ ავისი მომავალი, უარყო ყველაფერი და გაეშურა სადღაც უცხო ქვეყნისაკენ, რომ უმეტრების ბნელში მსხდომ ხალხისათვის გაეცნო ნათელი ჭეშმარიტებისა. ამის მაგიერად დღევანდელი დამახიჯებული ქართველი დედა თეატრისკენ მიეშურება, ყოველ დღე ქმრის წვა დაგვიტ ნაშოვარ ფულებს ხარჯავს მისთვის, რომ შეიძინოს და საესებით ჩაინერგოს ის თანამე-

დროვე ქუჭკი, ის ბიწიერება, რომელსაც ვითომ დასცინიან სცენაზე და რომელსაც თავის და შეუფენებლად საესებით ნერგავენ სუსტ არსებათა და ახალგაზდათა გულში. გულს სისხლი გერევა, ბრაზი მოგდის და ულონობის გამო პირს იხოკავ, და ცრემლებს ღვრი, რათ დავიკარგეთ ასე რათ აღარ შეგერჩათ ერთი ნატამალი რამ ჩვენი ძველებისგან ან რათ იმას არ ვღებულობთ ახლისაგან რაც საუკეთესოა და სასარგებლო ჩვენთვის და მომავლისათვის, რათ დავკარგეთ მამაპაპური ზნეობის სიტაქიზის და კეთილცნობიერების აღლო, უნარი. და სამწუხარო აქ უფრო ის არის, რომ გამობრუნების, გამოკეთების, ზნეობრივ გამომრთელების და აღდგომის იმედი აღარ არის. საჭიროა, ნინო ხელახლა მოევიდინოს ჩვენ წამხთარ საზოგადოებას დაუმხოს თანამედროვე არმაზი და ზადენი და დააყენოს იგი ნამდვილ მეცნიერების გზაზე, ნამდვილ წარმატების ნიადაგზე. როდის იქნება?...

**დეკანოზ იოანე ვოსტოკოვიჩის სიტყვების გამო საჰართავლოს მოკლულ რუსი მძსარხოს ნიკონის შესახებ.\*)**

(თარგმანი).

წამქეზებელნი რუს ექსარხოსის მოკვლისა ისინი იყვნენ, ვინც ქადაგებენ ძალმომრეობას ქართველ ხალხზე. ართმევენ მას სამშობლო ენაზე ლოცვის უფლებას, სდენიან ეპარქიიდგან ხალხის საყვარელ მწყემსთათვრებს მისთვის, რომ იგინი შეიყვარა ხალხმა, ართმევენ ხალხს მათ სავანეებს (ბოდბის სავანე, რომელშიაც არის საფლავი ქართველთ განმანათლებელის წ. ნინოს ნაწილებით, საფარის, ზარზმის, პიკვინთა და სხვა), რომ ვადაქციონ რუს სავანეებად ან სოპოროთ, რის გამოც მრავალ რიცხოვანი ქართველთ და ბერძნებთ მოსახლეები ქ. სოხუმა და ბათუმ-

ში მოკლებული არიან მოისმინონ ღვთის მსახურება სამშობლო ენაზე, თუმცა იქ რუსებს აქვთ თავისი საყდრები. და ესრეთ, ვინ არიან წამქეზებელნი? მლადადებელნი სიყვარულისა და სიმირთლისა? მაგრამ ისინი ხომ ძალმომრეობაზე არ აგებენ თავის კარიერას და არც ოქროთი, თუნდაც ქართველებსა იყოს, იტენიან ჯიბეს, თუ ისინი, რომელნიც ქადაგებენ ძალმომრეობას და ძმათა სიძულვილეს, ამხედრებენ ძმას ძმაზე, ხალხს ხალხზე და ძალმომრეობაზე აგებენ თავის კარიერას? განა, ამ წაირ მწყემსებზე არ ლაპარაკობს (Въ Русскомъ Народѣ № 335, июня 26) ღირსეული თავმჯდომარე იაროსლავის გუბერნიის კავშირისა ნ. ი. კაცაუროვი, ასახელებს რა იმათ „მტრებათ მართლმადიდებლობისა და თვითმპყრობელობისა, ანაფოროსან მესაფლავეებათ, რომელნიც ესწრფეაზიან მიტრით დაჯილდოებას, რომლის გულისათვისაც ბევრმა გაჰყიდა და ყიდიან მწყემსურ სინდისს“. თუ ვიხე ამბობს კაცაუროვი, მოსკოვის მონარხისტები, ერთგულნი ფიცისა, უსათუოდ გაიგებენ და ბრალს არ დასდებენ იდეალისტ ვეცხლის მოყვარეობაში და მთავრობისაგან საჩუქრების მიღებაში, და მით უმეტეს ქართველთ დამცველნი (ი. ს. აქსაკოვი, ნ. ი. გილიაროვი, პლატონოვი, რ. ა. ფადეევი, ნ. ნ. დ—ვი და სხვა) კი არ იკვებებოდენ საქართველოს ეკლესიის საღაროს ოქროებით, არამედ ისინი, რომელნიც ცილს წამებენ ქართველ ხალხს, მათ მწყემსმთავრებს და მწყემსებს.....

იხოცებიან თბილისში წევრები «რუსეთის პატრიოტული საზოგადოებისა», რომელთაც მამა ვოსტორგოვი თავის სიტყვებში (მოკლულ ექსარხოზის თაობაზე) უჩვენებს მქიდროთ შეკრან რაზმი», ის ეკლესიურ საქმის დამტოვებელი მოძღვარი, გარდაიქვა მრისხანე სარდლათ. აწყობენ რაზმებს, როცა მტერზე მიდიან, მაგრამ ქართველები რუს ხალხის მტრებათ ჯერ არ ყოფილან, თუმცა ვ. ვოსტორგოვის რჩევით იმათაც შეუძლიათ დააწყონ რაზმი....

„რუსთ პატრიოტთა“ საზოგადოება, რომელიც ზეღმძღვანელობს ვოსტორგოვის პროგრამით, რომ საქართველოში რუსები არიან მებატრონეები, ქართველები კი მონები და ამიტომ უნდა იყვნენ რუსების მორჩილებაში, ასეთი საზოგადოება ტფილისში არ უნდა არსებობდეს, რადგან ეგეთ საზოგადოებაში არც ერთი ქართველი, თუ გინდ ერთგული ქვეშევრდომიც იყოს, არ შევა. საქართველოში უნდა იყოს მოწყობილი „ძმური კავშირი“, რომელიც აერთებდეს ყველა მართლმადიდებელ ერს კავკასიაში ერთ ოჯახათ.

გ. ფ. გირშელმანი, ეხლად გამოცემულ საინტერესო ბროშურაში: „მიზეზი არეულობისა კავკასიაში“ აღნიშნავს ამ უკანასკნელ დროს შესამჩნევ სმრწმუნოებრივ დაქვეითებას კავკასიელ ქრისტიანთა შორის, რაზედაც მოწმობს ლარიბი მდგომარეობა ეკლესიებისა და მონასტრებისა“.

გირშელმანი ამბობს რა, რომ მართლმადიდებელ სამღვდელოებას არ ეპყრობიან საქართველოში პატრიარქით მრევლში, გვითითებს მაზე, რომ მრავალ ქართულ ეკლესიებში ღვთის მსახურება სრულდება „მრევლისათვის სრულებით გაუგებარ“ სლოვიანურ ენაზე.

„უტაქტიკო მოპყრობა რუს სამღვდელოებისა და ადმინისტრაციისა, ამბობს ავტორი, რომელნიც ერთმანეთში ურევენ სარწმუნოებრივ და პოლიტიკურ მიზანს, ხშირად სჩაგრავს ქართული ეკლესიის ინტერესებს“.

გირშელმანი ეხება ხალხის განათლებას და პოულობს, რომ „დაწყებითი სკოლა კავკასიაში, ნაკლებად ეთანხმება თავის პირდაპირ დანიშნულებას, მან აიღო თავის თავზე შრომა ამ მხარის გარუსებისა, მაგრამ ეგრე ტლანქად და უდიერად, რომ მხოლოდ ააღწევა თავის წინააღმდეგ მცხოვრებლები და გააფიცვა შეხედულება ყოველივე რუსული-სადმი“, რაც საქირო იყო მათთვის ვინც ძალმომრეობით და გარუსების გზით იკვლევდა თავისთვის კარიერას.

ავტორის აზრით, დაწყებითი სწავლა უნდა იყოს სამშობლო ენაზე, მხოლოდ შესწავლა ორივე ენებისა სამშობლო და რუსული-

სა, როგორც სახელმწიფო ენისა, ერთად უნდა მიდიოდეს, ისე რომ არ უშლიდენ ერთი მეორეს... რაც შეეხება „სამრევლო სკოლებს“ ამ ვოსტორგოვის ბაღს (მომავალ ანარქისტების დამწერგავს), ავტორი ხედავს, რომ ასეთი სკოლა საქართველოში „უაღდგლოა“ ადგილობრივი პირობები დაბეჯითებით მოითხოვენ დაბალ სასოფლო სამეურნეო, სახელოსნო და ტექნიკურ სკოლებს“.

ქართული საეკლესიო-სამრევლო სკოლები მაშინ იქნებოდნენ სასარგებლონი, რომ იგინი საკუთრივ ქართველ ეპისკოპოსთა ზედამხედველობის ქვეშ იყვნენ, და არ უფ. ვახინთა, ოღოვეთა და სხვა ქართველთ მოძულე კორიერისტ—მ. ვოსტორგოვის ამხანაგთა.

საქართველოში მასწავლებლებათ მიდიან უმეტეს ნაწილად პოლონელები, ნემცები და ის რუსები, რომელნიც თავის სამშობლოში ვერ შოულობენ ადგილს. იმათი სწავლა მიმართულია მაზე, რომ აღმოფხვრან მაწაფის სულიდგან ყველა ის, რასაც მოწაფე სთვლის ყველაზე წმინდათ. მასწავლებლების სიმძულვარით, მოსწავლეები იწყებენ მძულვარებას რუსეთისადმიც, რომელიც აწოდებს საქართველოს, მსგავს მასწავლებლებს. გარუსებამ საქართველოში ვერ დარგო სიყვარული რუსეთისადმი, მხოლოდ კი გააფიცა ქართველთა გული რუსების წინააღმდეგ, რაც წინად არასოდეს არ ყოფილა. რუსეთის ძლიერ ერთგულ ქართველთა სიტყვით რუსული სკოლა საქართველოში არის სკოლა სახელმწიფოს წინააღმდეგი, მისი მოქმედება დანაშაულობაა. ის ზნეობრივად ასახიჩრებს ქართველ ყმაწვილებს და წერგავს მათში ზიზღს რუსეთისადმი. რუსულმა სკოლამ შექმნა საქართველოში ათასობით ანარქისტი და რელიუციონერი.

საეკლესიო საღვთო კანონებს, მ. ვოსტორგოვი დიდ თავაზს არ უწევს. რაც შექმნა პროტესტანტთა მოაზრე ლეიბნიცმა და რაც მოიწონა ბეტრე პირველმა, ის მისთვის კანონი და რაც გადასწევითეს წმ. მამებმა მსოფლიო კრებებზე, იმას მ. ვოსტორგოვისათვის

არავითარი მნიშვნელობა არა აქვს. ძალით მოსპობა რომელიმე თავისუფალ ეკლესიის ავტოკეფალობისა არ შეუძლია არც ერთ ავტოკეფალურ ეკლესიას რუსეთის სინოდმა, ივერიის ეკლესიის მეთაურის პატრიარქ მეფისძე ანტონი მეორის სიკოცხლეშივე, დანიშნა თავის ექსარხოსი და შეუდგა ივერიის ეკლესიის გამგეობას, ისე რომ არც ერთ ავტოკეფალურ ეკლესიას არ შეუწყნარებია ვერეთი მოქმედება რუსეთის სასულიერო კოლეგიუმისა, რომელმაც თავის მხრიდგან არ შეატყობინა აღმოსავლეთ ეკლესიებს თავისი კანონის წინააღმდეგ შესრულებული მოქმედება ანუ ძალმომრეობა ივერიის ძველ სამოციქულო ეკლესიაზე და მას მეთაურის, პატრიარქის დატყვევება. ამნაირად მსოფლიო პატრიარქს და სხვა აღმოსავლეთ მღვდელმთავრებს თავის მხრიდგან დღემდისაც არ დაუმტკიცე ივერიის ეკლესიის რუსეთთან შეერთება რის გამოც აღმოსავლეთ ეკლესიათა და მის კანონისტთა თვალში, ივერიის ეკლესია განაგრძობს ავტოკეფალობას.

ქართველები დეკანოზ ვოსტორგოვის მაღლიერნი არიან მისთვის, რომ მან იმდენად გაამაგრა ქართველთა შეგნება მათი ეკლესიის ავტოკეფალობისა, რომ დღეს არც ქართველ სამღვდლოების და არც თვით სამწყსოში არავინ არის, რომელიც არ ესარჩლებოდეს თავის ეკლესიის დარღვევულ კანონებს.

ჩიხელი.

(შემდეგი იქნება)





რას ამბობენ შესანიშნავი ადამიანები ბიბლიის შესახებ? \*)

შემდეგ შესანიშნავ ადამიანთა მიერ ბიბლიის ასეთ დაფასებას შიამხვლელმა ახლა თვითონ გადასწავლიტოს, თუ რა დენხათ საფუძვლიანია მოსაზრება ზოგაერთ ადამიანებისა, რომლებიც ამტკიცებენ, რომ მხოლოდ რებვენი და უპიც ადამიანებს შეუძლიათ, ირწმუნონ ჭეშმარიტება და სიწმიდე ბიბლიისა. ჩვენ ვფიქრობთ, რომ ზემოთმოყვანილი სწორედ წინააღმდეგს ამტკიცებს. ამას უნდა დასთანხმდეს ყველა წინად განუზრახველი ადამიანი.

საუკუნეთა განმასვლობაში უცვლელი მნიშვნელობა ბიბლიისა და სრულიად დაუმცირებელი თავიანთი ცემა მისი მაღალ ღირსების წინაშე კაცთა შორის—ფაქტია, რომელიც უნებლიეთ გვაკვირვებს და აფიქრებს ყველა მოაზრე არსებას, და ეს განსაცვიფრებელი ფაქტი აიხსნება მით, რომ ბიბლია მარად ცხოველი წიგნია, მოცემული ღვთისა მიერ უსაზღვრო წარმატებისათვის ჩვენი სოციალურ და ინდივიდუალურ ცხოვრებისა. უმაღლესი ადგილობრივ და ღრუბით მნიშვნელობათა, ბიბლია წიგნია საკაცობრიო ამ სიტუის უთუო და უმაღლესი აზრით. მრავალი წიგნი, კაცთაგან დაწერილი, დიდი ხანია მოკვდა, ან დაჩნა ისე უსიცოცხლო, როგორც მტვრის მუშია; მათი გამოჩენიდან გასულმა დრომ ფასი დაუკარგა მათ, და ის უმატალითო განკვირვება და მაღალი ზეტივის ცემა რომელსაც იწვევდა თავისადმი ეს წიგნები თდესმე, თავის დროზე, დღეს უგვე დაგიწებულა, გამოსხსნიკეთ იგინი, თუ გნებავთ, წიგნოსაცაებში, მაგრამ არ ატოვებენ იგინი ადამიანის გულს, არ გაათბობენ ჩვენს სულს. ადამიანთა გენიის უკეთეს ნაწარმოებთა დიდების უმტკიცებობა და სულიერი კავლეჩის უსრულლობა აიხსნება მხოლოდ მით, რომ ეს ნაწარმოებინი, მიუხედავად მათი უჩვეულო დიდებულეებისა, იყვნენ ნამოზნი თავის დროის და ხალხის სულისა, და ამისთვის, ბუნებრივად, მათ უნდა დაკარგოდათ ყოველი ძალა და მნიშვნელობა სხვა დროისთვის, გრძობრთული ცხოვრების სხვა კვარ დამოკიდებულეზათათვის.

„Hadent sna fata lidezi“ „წიგნებსაც აქვს თავისი ბედი“ ამბობდნენ ძველად. ეს ნამდვილია. წიგნები მოდის და მიდის, როგორც ადამიანთა თაობა, რომლის შვილიც არიან-იგინი. მხოლოდ ერთად ერთი ბიბლია—ეს უმეტესად კურთხეული წიგნი ღვთისა, თუმიც რავეენი ათასი წელია არსებობს ადამიანთა შორის, მით არა ნაკლებ უგვე დავია მისი სიცოცხლე და დაუჭნობელი მისი ძალა. ვინაიდან იგი ღაზარაკობს არა განსაცდერულ დროთათვის და არა მარტოდ გამორჩეულ ჰირებთან, აქვს მნიშვნელობა არა მხოლოდ ცხოვრების რომელიმე მდგომარეობისათვის, არამედ ქადაგებს თავის ღვთივ განცხადებულ ჭეშმარიტებას ყველა დროისთვის და მთელი კაცობრიობისათვის, გვიწვევს და სულმძღვანელობას გვიწვევს ცხოვრების ყოველკვარ გარემოებაში. მიუხედავად თავის სიძველისა, ბიბლია მარად ახალგაზრდაა და ნორჩი თვისი იდეებით და ღრმად ამოძღვრებს ყველა დროის ადამიანებს. ახალგაზრდობის ხამი ბიბლიისა ახლაც კიდევ მასზეა, მისი სიტუანი ახლაც ვარდებათ ციდან ახალი, როგორც წვიმა. მისი ჭეშმარიტებათა დღემდეც აძლევენ მარად ცხოველ ნუგუმს ქვეყნის ყველა მამურად შეიღს. არსადეს არც ერთი წიგნი არ ღაზარაკობდა ისე, როგორც ეს წიგნი; მისი ხმა ისევე ყოველის შემძებულა, როგორც ღვთის სიტუვა და მარად სავსეა ზესთა კაცობრიულ დიდებულებითა. მთელი ათასი წელია არსებობს ბიბლია განათლებულ ხალხთა შორის და ამ ხანგრძლივ დროის განმავლობაში იგი განუწყვეტლივ იბრძვის თავის სულიერ მეფობისათვის და უმატრდება თავდასხმას, მრავლად მომართუდს მისადმი მოწინააღმდეგე ღაშქრიდან—ურწმუნოთა და ღვთის უარყოფელთაგან, ასე რომ ბიბლიის ისტორიის მრავალ საუკუნოვან დროთა განმავლობაში არ დაჩნენილა მის შორის, შეგვიძლია ვსთქვათ, არც ერთი ნათქვამი, რომელიც მიკროსკოპიულად არ განეხილოს მის შტრებს. ამ დიად წიგნის მრავალ რიცხოვან ფურცლებზე ძნელია უჩვენოთ რომელიმე ადგილი, სადაც არ შესლოდენ ერთმანეთს მისი შტრები და მოყვრები ცხარე ბრძოლით. დროთი დრო ბიბლია ეჩვენება მაყურებელს თითქო ნაკუწ-ნაკუწ დაჭრილად, უარყოფილად და მოსზობილად, მაგრამ ნამდვილად კი ბიბლია ყოველ თავდასხმის დროს სდგას, როგორც ურეკვი კლდე, როგორც გრდემლი

\*) იხ. „ზინაური საქმეები“ № 1

რომელზედაც იმისრება ასობით ურო და მის ვი არსებობს ვნებას ვერ აქენებს. რადუნსაც არ გდად-  
 ნუნ ზოგაერთობა ჩამოეყვანათ ბიბლია იმ მ:დალ  
 საფეხუდან, რომელზედაც სამართლიანად აიუ-  
 ვანა იგი მილიონ აღმიახმა, მით არა ნაკლებ მისი  
 მდგომარეობა წინანდებურად შეურყეველი რება და  
 ვრცელდება იგი ქვეყანაზე უფრო სწრაფად ვიდრე  
 წინეთ. შეთავაზებუ საუკუნის დასასრულს ვოლ-  
 ტერის დროს იგი გვეტანებოდა სრულიად უწყვე-  
 სო. შესანიშნავი მკაცრება ვოლტერი, განათლებუ-  
 ლი აღმიახმა თავის დროისა, სხვათა შორის სწერ-  
 და: „ასი წლის შემდეგ ბიბლიას დავიწვევებ და  
 მისი შოვნა შესაძლებელი იქნება, ვით იმეთით რა-  
 მისა, სლარობაში და არქეოლოგიურ მუზეუმებში.  
 უდიდოთ და მისისსლე ურწმუნობა ველური ძლით  
 ვრცელდებოდა საფრანგეთში და მის შესობელ ქვე-  
 ნებში. ამის შემდეგ გაიარა ას წელზე მეტმა.  
 თვით ვოლტერი მართლად ისტორიის საკუთრებზედ  
 გადაიქცა. იგი მოკვდა, როგორც ლანჩი, ასე რომ  
 თვით მას უკეთეს ამხანაგებს რცხეინოდათ მისი  
 სიკვდილისა, და დააკავა ისტორიაში შორს არა სა-  
 ზატოთ აღავი, ბიბლია ვი ცოცხალია დღემდე და  
 წყაროს შეუდარებელი ძალისა და ჭეშმარიტებისა.  
 მთელ ვულტურულ ვაცობრიობისთვის. შესანიშ-  
 ნავია რომ, სწორედ იმ ადგილზე, ზარიში, სადაც  
 ვოლტერიმ წარმისთქვა მდესმე თვისი ზემომოყ-  
 ვანილი წინასწარმეტყველება ბიბლიის შესახებ,  
 დღეს—ასეთია დთვის განგება!—არსებობს საწუო-  
 ბი ბიბლიის ბრატანის ბიბლიურ საზოგადოებისა,  
 რომელიც ვაჟულწლობით აგრეკლებს იქიდან  
 150.000 წიგნს საღმრთო წერილისას. ასეთია ბუ-  
 დის დაცინვა! მიუხედავად იმისა. რომ წარმართი  
 რომი ცდილობდა ბიბლიის მისწობას, ზაზის რომი  
 საშუალო საუკუნოებში—მის დაზტიმრებს, რა-  
 ციონალიზში ახალ დროისა—მის დაუძღურებს,  
 საფრანგეთის ურწმუნობა მისი გავიციხვას, ახლა  
 ზანტეში—მისი დასაფლავებს, თანამედროვე  
 კრიტიკა—უსაზღვროდ დაშორებს ვაცობრიობის  
 უმეტესობისგან; მიუხედავად იმისა, რომ მას ასე  
 ხშირად გამოეცდა ბორბოთი თავდასხმა,—ბიბლია  
 მაინც ცოცხალია და არა იგი ცოცხალია დღეს ბიბ-  
 ლია, მას არსოდეს გამოუჩენია ისეთი სიცოცხლე,  
 როგორც ჩვენს დროში, განა მსოფლიოს ბიბლიური

საზოგადოება სასწაულებრივი ფაქტი არ არის? ამ  
 საზოგადოებამ გამოისცა 312,000,000-ზე მეტი  
 ცალი ბიბლია და გადათარგმნა იგი 350 ენაზე  
 და 70 ისეთ ენაზე, რომელთაც წასულ საუკუ-  
 ნის დასაწყისს არ ქონდათ არც ანბანი, არც ან-  
 ვითარი კვლი ლიტერატურისა. ეს ფრად შეს-  
 ნიშნავი, ასე უკეთ ვთქვათ, გასაოცარი ფაქტია.  
 ბიბლიას დღეს მთელ ქვეყანაზე უდრესი მისწრა-  
 ფებით ეკიდებიან არა მარტო მისი მეგობარნი,  
 არამედ მისი მტრებიც, არასოდეს არ სწავლობდნენ  
 ბიბლიას ასე გულსმოდგინედ, არსოდეს არ იყო მიქ-  
 ნეული მისადმი ასე ძლიერად უურადლება ვეულა  
 აღმიახმისა საერთოდ, როგორც ჩვენს დროში.

ბიბლიას დღესაც აქვს თვისი უცვლელი,  
 ძლიერი გავლენა ქვეყნის ერებსზე და საღმრთო  
 ზსტავისცემა მათ შორის, არა მარტო განათლე-  
 ბელ ხალხში, არამედ მეცნიერების თვით უკეთეს  
 და უმადლეს წარმომადგენელთა და სახელმწიფო და  
 საზოგადო ცხოვრების უკეთესობადღეს მოღვაწე-  
 თაგან. ბიბლია ჭეშმარიტად დიდი, ცხოველი წიგ-  
 ნია! სიტუვა დთვის მარად ცოცხალია, მისთვის  
 რომ იგი ცოცხალი ქეშმარიტებაა. ჭეშმარიტება  
 ხომ არასოდეს მოკვდება,—იგი უკვდავია. ნათლის  
 წყაროსთან ანთებული იგი გაუქრობელია. მრავალი  
 ოდესმე სახელოვანი ფილოსოფიური სისტემა და  
 არა ქრისტიანული სარწმუნოებრივი მოძღვრება  
 დღეს, როგორც ცთომს, დააწვევლას და დიდი  
 ხანა დასაფლავებულია, მაგრამ ჭეშმარიტებამ იქსო  
 ქრისტესმან არ იცის საფლავი, მას არ ეშინია  
 დასაფლავებისა; იგი ცოცხლობს, აფრთოვანებს  
 აღმიახმა გულს და არსოდეს აღავება დედამიწის  
 ზირიდან.

სიტუვა დთვის ცოცხალია, რადგანაც იგი  
 არის სიტუვა უცვლელი და უსაზღვრო დთვისა.  
 დმერთი არ იტუვას დღეს ისეთს, რაც გუშინ სა-  
 ჭირო არ იყო აგრეთვე ხვალ არ ამომლისამს, რასაც  
 დღეს ამბობს. როცა ვკითხვლობთ ალექსან, წარ-  
 მთქმულს სპა ათას წლის წინათ, იგი ისე ძლიე-  
 რია და ახლა, თითქო დაუსაბამო ბაკეს წარმოეთ-  
 ქვას იგი დღეს. საუკუნო სატუვას, ვოკელის-შემა-  
 ძლებულის ბაკეთაგან გამოისდეს, დღესაც იგივე  
 ძლიერი ძალა და იმეთითი სიახლე აქვს, როგორც  
 მაშინ, როცა იგი უბნებოდა მას მისივე, ილიას  
 ან დამარცობდა წინასწარმეტყველთა ზართა, იგი

(სიტუა ღვთისა) მარად ჭეშმარიტია, უნეტელი და ძლიერებით აღსავსე, იგი არასოდეს არ იქნება დრომოჭმული; იგი მარად ახალია, რადგანაც წვალია ცხოველი.<sup>13)</sup>

ბიბლიის მინიშნულობა მთელი ჩვენი სულიერი ცხოვრებისათვის განუზომელია. „მთელს ქრისტიანულ კულტურულ და სულიერ ცხოვრებას, სწერს ღიუტად, ორი ფესვი აქვს წასუღში; ერთია საბერძნეთის და რომის ნადაგში, მეორე—ღვთის ერის ქვეყანაში. აქიდან ვღებულობთ ჩვენს სულიერ განათლებას, აქიდან მივიღეთ ჩვენი საწმინტოება. და ეს უგანასწაველი ბერძნულ—რომაულ სერო განათლებისა და ახალ ერთა ხასიათთან ერთად შეიქმნა ერთ დიად მთელად ქრისტიანულ კულტურულ ცხოვრებისა. მაგრამ ეგვლა სულიერ განათლების საშუალება მიწოდება. როგორც ხასიათი ძველ დიად კულტურულ ერთა გვეუწევა მათგან დაწერილ თხუზებათა საშუალებათ, ამგვარადვე ისრაელის საწმინტოებას და ქრისტიანობას აქვთ თავისი ღიუტრატურა. ეს ღიუტრატურა გვაწევათ ამ საწმინტოების თავისებურ სერო განათლების მიწოდებასთან ერთად გამოდის საწმინტოების ეს საღმრთო მიწოდება. თითქმის მიუხედავად რელიგიურ მიზანისა, კაცობრიული მხრით მარტო რომ განვიხილოთ, საღმრთო წერილი წარმოადგენს უდიდებულეს ღიუტრატურულ ნაწარმოებს, ერთად ერთს მთელ ქვეყანაზე თავისი გასაცხარი სამარტოვით და მოთხრობათა ისტორიულ მინიშნულობით, ახრთა სიღრმით და სისრულით, სიტუვის ძალითა და სხვა და სხვაობით, ზოგნიის სიმდიდრითა და სიღამაზით. ბევრად უფრო ადრე, ვიდრე ბინდარი თავის ძველის კალამებშია ქებას შესხამდა უღუმბოს სათამაშოებზე გამარტეველებს, დავითი სთხზავდა თავის ფსალმუნთა, რომელთა აღმარენა და ძალა დაესხა ატობებს ჩვენს სულს, და ბევრად უფრო ადრე, ვიდრე ჭომიროსი მტორე ხისის ნაზრას აღტაცებას მისცემდა თავის ერის ახალგაზდობას ტროის გმირთა მოღვაწეობის შესახებ მოთხრობით, მონე და მასი და გალობდენ ძველის კალამს ბებეპტის მეუღის დაღუმზის გამო, ან შესახამაზე მსაჯული წინასწარმეტველი დევროს თავის კალამ

ბის უდიდებულეს ნაკვეთებში ქაბას ასხამდა თავისი ერის გამარტეებას. როცა ტობის ნაზრას სერზე ჭერ მოლოდ საფუძველს უერიდენ მომავალ მსოფლიო ქალაქ—რომს, ამ დროს კი ისრაელთა შორის წინასწარმეტველები ზეკარდამო განათლებულ სულით ათვლიერებდენ ხაღხთა ბედს, წინასწარმეტველებდენ მათ მომავალს და ღემოსენის სიტუვითა უდამტებულესად ძლიერი სიტუვით, ესნობის ზოგნიისზე უდიდმშვენიერესი ზოგნიის აღმარენით აუწეებდენ თავის ერს ღვთის სამართალს ცოდვითათვის ერისა, ან ახარებდენ ღვთის მადლს ისეთ სიტუვებში, რომლებიც უფრო მეტი სიუგარულით აღსავსეა, ვიდრე ფრად სასიუგარული სიტუვა თომელიძე სოფოელითა. არ არის ისეთი ხმა კაცობრიულ კრძხობათა მხარეში, რომელიც იქ არ იუას გამოხატული—საღმრთო რისხვისა ქუხილსებურ ჭეჭიდან, ან სასწარვეკეთილების გულის დამწვევტ გოდებდან დაწეებული შებრალბის უნაზეს ხმათამდე ან სიუგარულის უმზებარეს გაღობათამდე. ჩვენ გვახსოვს სახელები საბერძნეთის შუიდი ბრძინისა და მათი ნათქვამი, მაგრამ რა არის სობრძე ამ ბრძინთა ძველ აღმქამში მოთავსებულ „ცხოვრების სობრძის“ საუნჯეთა შედარებით?

ჩვენ ვიფუგებთ ზღატონის აზროვნებათა სიღრმეში და აღტაცებაში მოვლივართ მის იღეთა კეთილმობალებით, მაგრამ საღმრთო წერილი დაზარკობს საუკუნო იღეთა მხარეზე, და გამოთქვამს ფრად დრმა აზრებს და ფართო შეხედულებას ისეთი დაბეკითებითა და სამარტოვით, თითქმის საქმე შეხებობდეს ქვეყნის უბრლო ჭეშმარიტებას ან ეგელასთვის გასაკებ და ნცნობ ღებულებას. საღმრთო წერილი მარტო კაცობრიულად რომ განვიხილოთ, როგორც ნაწარმოები აღმამისის, უეტველია შორს აღებტება ეველა ღიუტრატურულ ნაწარმოებს ეველა დროისა და ხაღხთა. წარმოვადგინოთ, აქამდე არ გვეჩინდა ბიბლია, ახლა მსოფლიო აღმოკინათ რომელიმე წიგნთსაცავის კუთხეში,—რა შთაბეჭდილებას მოახდენდა ეს აღმამისისა.. ბიბლია, როგორც აღმოუღველი წერო სულიერი დარიკებისა იღებტება ეველა სხვა თითქმის ბენიოსთა ნაწარმოებს. და მართლა რანაირი წიგნია ეს! მასში ვხედავთ სულის უმაღლეს კითხვებს, უწმიდეს კრძხინებს და აზრებს. მას ვოველთვის შეუძლია ხედახლად განაცისკროვნოს ჩვენი სული რა წამს

<sup>13)</sup> см. ч. испуджана живая книга Бесѣда о Библии.

დავეწაფებით მას. მასში სჩქეფს მარად მოკამყაშე  
წარა, რომელშიც ჩვენი სულა ცხოველდება. სოფ-  
ლიურ განბნეულაბიდან, დღიურ ხმაურაბიდან, აზრთა  
და გრძნობათა ცილაბიდან შეგვიძლიან თავი შევა-  
ფარათ მასში: იქ ჩვენი სული მშვიდდება, იქ  
გვიბერავს მარადისობას ნავგ, იქ შეფობს სიწმი-  
დე ღვთისა“.<sup>14)</sup>

ონ. მწირი.

(შემდგვი იქნება).

### იმერეთის მარშლებს.

(გაგრძელება).

#### სიმონ წერეთელს.

ბატონო! ქრთამს რომ არ იღებ,  
ამაზე ფიცში ჩაგყვები,  
მაგრამ ამავე სიმტკიცით  
კლუბამდი ველარ მიგყვები.

#### დავით ნიჭარაძეს.

„წელკავი“ უკვე მოგცილდა,  
ალარ განჩობს იგი სენი...  
ვთქვით: რა მიზეზით გირჩევენ  
მამა-პაპათ ღირსნი ძენი?  
წინ წადგომა, შნო და რიხი  
კარგათა გაქვს შენაძენი,  
მაგრამ ზნეობის გაკლია  
სიფაქიზე სინაზენი.

#### კოწია ერისთავს

როგორც გსურს ისე მიიღე  
ეს ჩემი მონახსენები,  
„თუ თავი შენი შენ გახლავს,  
ღარიბად არ იხსენები“.

#### კოკი დადიანს

ცხრაას ხუთში შენი ჩინი  
ლობეზე რომ გადაკიდე,  
მემრე გნახეს ქე ეძებდი  
იმავე ღობის კიდის კიდე....

#### ბიჭიკო წერეთელს.

წერეთლებს გვართ მოგდვამენ  
ამ გუბერნიის მარშლობა,  
ასეთს „ნასლედსტვოს“ მომლოდეს,  
მსურს გაგიწიო მაშელობა.

#### დათიკო ჯაფარიძეს

ექიმობა და მარშლობა  
ორივე რომ შენ გრგებია,  
იმის ფული, ამის კენჭი  
ვითომ ღირსად შევგრგებია?

#### იასონ გელაფანს

„ტანად ლომო და პირად მზე,  
ვაყვაცო ლამაზ ენაო“,  
გამოვტყდეთ: დეპუტატთ რომ  
სხვას ყველას ჯობდი შენაო!

#### ქუთაისის თავად აზნაურობას

არც თქვენ იცით თქვენი საქმე,  
არც უჯერით არაფერს სხვას:  
მოტირალის გასაგზავნად  
რა გჯიდათ თქვენ, ფულის ხარჯვას?

#### დეპუტ. საკრებულოს.

დეპუტატთა საკრებულო,  
თავადნო შიდ შეკრებულნო,  
თქვენისავე მკონარობით  
მოსასპობად წოდებულნო!  
აბა ერთი თუ ვაბედლოთ,  
ამ ახალ წელს დაიბედლოთ  
შრომა, სწავლა, მეურნობა  
თქვენთა შეილთა საიმლოთ!

<sup>14)</sup> Хр. Э, актардтъ. Апологія христіанства.

საზნაურო ბანკს.

უხვად გასცემდი, რას დასდევ,  
შკოლა თუ დაიხურება?  
რა აზნაურის საქმეა,  
მდიდრული განძის ყურება?

ერემიძის.

„აკაკია, ბაკაკია,  
გისვამს, გიქამია,  
გზა გაგაჩნია.“

ხოხობი.

(შემდეგი იქნება).

# სიტყვა,

თქმული 25 ქრისტესობისთვის 1909 წელსა ქვაშიეთის სულის წმიდის ეკლესიაში.

შობამ. ნ შენმანქრისტეღმერთა, აღმოუბრწყინვა სოფელსა ნათელა მეცნიერებისა...

ჰგალობს დღეს წმიდა ეკლესია და საფუძვლიანადაც ჰგალობს: ნათელი ქეშპარტი მცნიერებისა აღმოუბრწყინდა კაცობრიობას მხოლოდ ქრისტეს შობის და მისის მოღვაწეობის გავრცელების შემდეგ. მანამდის კი კაცობრიობა გარემოცული იყო უმეცრების წყვდიადით და მისი საუკეთესო წარმომადგენლების ცდა, — გამოეყვანათ იგი ამ უმეცრების უფსკრულითგან, რჩებოდა უნაყოფოდ. მიზეზი ამ მოვლენისა ცხადია: კაცობრიობამ დაივიწყა მხოლოდ ვერმარტი ღმერთი (იოანე 17, 3) და თავიანი — მსცა ცის მნათობა და მფრინველთა, ქვეყანის ოთხ-ფეხთა და ქვეწარმავალთა, ბუნების ძალთა და მოვლენათა, და თვით აღამიანსა და მის ენებათა. ამისგან, სითყენაც უნდა მიეხედ-მოეხედა

აღამიანს, ყოველგან ღმერთები იყვნენ დაბუღებულნი, და მას, უბრალო მომაცვდავს, ნება არქონდა შესულიყო ღმერთების საყოფელ-საბრძანებელში და თავის კვლევა — ძიებით შეეწუხებინა და შეურაცხყო იგინი! კაცობრიობის უმრავლესობაც დაემორჩილა ამ რწმენას და, უმეცრების წყვდიადში გახვეული, ლოცვა-ვერებით ეგებებოდა ბუნების მოვლენათა და მსხვერპლ-შესაწირავებით ცდილობდა მოემადლიერებია მძვინვარე მხეცნი, მის მიერ ღმერთებად შერაცხილნი. ხოლო, თუ ვინმე გაკადნიერდებოდა და ეკვის თვალით დაუწყებდა ცქერას ამ გვარს ღვთის მსახურებს, და ამასთანავე მოინდომებდა ბუნების მოვლენათა შესწავლას და გამოკვლევას, მას ან წუთის სოფლს გამოასალმებდნენ, ან არა და აიძულებდნენ საშუალოდ გაშორებოდა სამშობლო მიწა წყალს: დიდებული სოკრატი იძულებულ-ჰყვეს თავი მოეწამლა, ხოლო ნამდვილის მეცნიერების მამა არისტოტელი სამშობლოდან გააძევეს, როგორც ღვთის უარისმყოფელი! აგრეთვე დღე დააყენეს ბევრს სხვას და მათ შორის არისტარქოს სამოსელს, რომელმაც ოცი საუკუნით უწინარეს გალილეისა გამოიკვლია, რომ დედამიწა ტრიალებს მზის გარშემო, და არა ზზე დედამიწის გარშემო. ერთის სიტყვით, მეცნიერული კვლევა-ძიება ქრისტეანობის გარეშე შეუძლებელი იყო, ვინაითგან წარმართება ცრუმორწმუნოებაზედ იყო დამყარებული, ხოლო ცრუმორწმუნოება მეცნიერებას უღმერთობად აღიარებდა.

ნათელი მეცნიერებისა აღმოუბრწყინდა კაცობრიობას მხოლოდ მაშინ, როცა გავრცელდა კაცთა შორის ქეშპარტი მსოფლმხედველობა. ე. ი. მაშინ, როცა გავრცელდა ქრისტეანობა... ქრისტეანობამ ჰქადაგა, რომ ღმერთი არის სული უკვდავი და ცხოველი, რომ მან შექმნა ცა და ქვეყანა და ყოველივე რაიცა არს მათ შინა, რომ აღამიანს, შექმნილს ხატად და მსგავსად ღვთისა, ნაბრძანები აქვს შემოქმედისაგან: აღმარძნაით და განმარჯვლით, და აღავსეთ ქვეყანა და ყოველგან მას და მთავრობით თქუცითა ზღვისათა, და მფრინველთა

ცისათა, და უაველთა ბარუტეთა, და უაველსა ქვეყანასა, და უაველთა ქვეყანაშაველთა ქვეყანასა ზუდა (შექმნათა 1,28). ამ სახით, ის, რაც წარმართების რწმენით, ღმერთად იყო შერაცხილი, ქრისტიანობამ აღიარა სმსახურებულად კაცთა (ფსალმური 103, 14) გაჩენილ-დაბადებულად, განდევნა ქვეყანითგან ცრუ ღმერთები ქალღადავლა აღამიანს, — მთავრობა და უფულობა გაეწია ქვეყანაზედ. ხოლო როგორ შესძლებდა აღამიანი ბატონობის გაწევას ქვეყანაზედ, ან როგორ დაიმორჩილებდა ის თევზთა ზღვისათა, მფრინველთა ცისათა, პირუტყვთა ქვეყანისათა და თვით ქვეყნის ძალებს და კანონებს, — თუ არა მათის ბუნების შესწავლით და ამ შესწავლის შედეგით სარგებლობით? მაშასადამე, ქრისტიანობამ აღამიანის ქმნილებათა გვირგვინად და ქვეყნის ბატონად გამოცხადებით მიანიჭა სწავლა-ძიებას, მეცნიერებას თავისუფლება. და აი ამ თავისუფლებით აღჭურვილი კაცობრიობა თან და თან იმორჩილებს ბუნებას და მის ძალებს, ასე რომ, ღდეს იგი ბრძანებლობს არამც თუ ცხოველებს, არამედ ცეცხლსა და წყალსა, ორთქლსა და ელექტრონსა, თავისუფლოდ ნაფარდობს ზღვის სიღრმეში და ცის სივრცეში, ეძიებს და პოულობს დედამიწის გულში მრავალს მისთვის საჭიროს და სასარგებლო ლითონებსა და ქვებს, სთხრის გვირაბებს და გაჰყავს გზები თვალუწვდენელ მთების ქვეშ, რაოდენიმე ვერსტის სიშორეზედ თავისუფლოდ ელაპარაკება ერთი მეორეს და სხვა..

მსა

ყოველივე ეს აღმოუბრწყინა სოფელსა ამ 1909 წლის წინად განხორციელებულის უფლის! იესო ქრისტეს სწავლამ და ამ სწავლაზედ დამკვიდრებულმა მსოფლ-მხედველობამ, რიცა წინასწარ დაინახეს და საქვეყნოდ აღიარეს მოკვთა, აღმოსავლეთი მოსულთა, რომელთა, თხილეს რა ურმა იესო, დაჯარდეს და თავუენა-ჭსტეს მას, და აღადეს სტუნჯეთა მათთა, და შესწარეს მასს ძღვენი: თქრო, კუნდრუკი და მურა (მათე 2, 11).

საყვარელნო! მოგეთა თაყვანი-ჰცეს უფალს იესო ქრისტეს მაშინ, როცა მისი სწავლა-მოდღერება ჯერ კიდევ არა ჰქონდათ გაგონე-

ბული და არც თავიანთ თავს უწოდებდნენ ქრისტეს მორწმუნედ, ქრისტიანებად. ჩვენ კი, ქრისტიანებადაც ვუწოდებთ ჩვენს თავს, უფლის სწავლაც გვსმენია და მის მიერ დამყარებულის მეცნიერების თავისუფლების ნაყოფითაც გვისარგებლნია, — მაშ თაყვანის-ვჰსცეთ მას წრფელის გულით, შევსწიროთ მადლობა მეცნიერების ნათელის აღმობრწყინებისათვის და გულს მოდგინებ ესთხოვთ, რომ განადლიეროს ჩვენში კეთილის სწავლის ხალისი, მეცნიერებისადმი ლტოლვილება და ქვეშაირების სიყვარული. ამინ.

ღმ. კ. ცინცაძე.

### ლაგვიანებული პასუხი

გაზეთ „ჩანგის“ 40 №-ში, ვილაც წეწე ჩერჩეთა მე სხვათა შორის ჩემს პიროვნებასაც სწვდა და მიწასთან გაასწორა. ჩიტი რეკა კორესპოდენტი ბრძანებს თვისის უებრო ენით: „თუ მეორე მსწავლებელიც იგეთი გამოდგა, როგორიც ეხლანდელია, რომელიც ყოველ გვარ კულტურულს მუშაობას ისე გაურბის, როგორც მართლ-მორწმუნე ებრაელი ღორის ხორცსა, ხოლო ქორწილებსა, ლხინსა და ზურნაზე ბუქნაში ცალი არ ჰყავს, მაშინ ჩვენი სასწავლებელი განათლების ტაძარს კი არა უფრო სხვა რამეს დამზღავსება“. ბატონო კორესპოდენტო რაღაც პირადი ანგარიშები აღაპარაკებს, თორემ ამ სისხო სიცრუის გამოხობორიკებას ასრე ურცხვად ვერ გაჰბედავდა. ის რომ მიუდგომელი პირი ყოფილიყო სხვავის სამინისტრო სკოლის ორკლასიანათ გადაკეთების საქმეთა მეთაურებს არ დაივიწყებდა და მადლობასაც ეტყოდა, მაგრამ მაშინ ხომ მის მიერ ათვალწუნებულ თქვენს მონა მონა მოსამსახურეს ველარ გალანძღავდა და თვისი უმთავრესი მიზანი შეუსრულებელი დაჩრებოდა. ერთი გამაყვინოს სწორ-უბოვ რმა კორესპოდენტმა, რომელ კულტურულ საქმეს ვავექცი? საქმე რაც პირზე მოგადგება ისის როშვაში კი არ არის. არამედ თქმულის

უტყუარის ფაქტებით დამტკიცებაშია ნუ თუ მასწავლებელი უკეთეს ის თავის საქმეს კეთილ სინდისიერათ ასრულებს, კულტურულ საქმეს არ ემსახურება? დამიმტკიცოს ბ. წეწემ რომ მე ჩემს სოვალეობას ცუდად ვასრულებ და მაშინ გასავალი ექნება მის მიერ ნაჩმახავს, თორემ ცალიერი თვით ქეშმარიტების გამოაც კი შეიძლება. რაც შეეხება ჩემს მოქიფობაზე ლაყობას, მასზედ პასუხის გაცემაც საშარცხენოთ მიმაჩნია. მასწავლებელმა რომ ქორწილებსა და შეკრებებში ფეხი არ შესდვას, ამისთანა აბსურდი ყრანტალი მართლა წეწესთანა ორ გროშიან აბლაკატებს შეუძლიან და არა საღის გონების მქონე ადამიანს ერთი სიტყვით თამდენი სიტყვაც არ უხმარია იმდენი სიცრუე მიუკერებია. ბევრი რომ არ გავაგრძელოთ და არც მკითხველი შევეწუხოთ, წინადადებას ვაძლევ ბ. წეწეს გამოიჩინოს მოქალაქობრივი გამბედაობა და ნიღაბით აიხადოს და ყოველი მის მიერ თქმული უტყუარის ფაქტით დამიმტკიცოს. უკეთეს ეს ამას ვერ იზამს, მაშინ დეე იცოდეს მთელმა ქვეყანამ, რომ წეწე ყოფილა საზიზღარი ცილის მწამელი და პირადის ანგარიშებით და ბრძობილ პირი

სხვაგვის მასწავლებელი თედორე საბანელიძე

რედაქტორი, მღვდელი სიმონ მფილდიძე.  
გამომცემელი იოსებ ლეჟაძე.

ქუთაისში 6 იანვრ. 1910 წ. გამოვიდა  
იუმიონის ტყელი აღმანახი

# „ტინკა“

დასაბეჭდი მასალები გამოიგზავნება  
შემდეგი ადრესით: Кутаись, типография  
„братства“—Алмахахи.

## ვამზადებ

**სამოვლილთ & სალიაკვნთ  
საგნეზუი,**

ავრეთუე, სამასწკლებლო  
ევზ.მენის ასაღებად.

ადრესი: ქუთაისი, ვახუცავის ქუჩა, № 17

## დაიბეჭდა

შემდეგი ბლანკები:

## კლირთვის უწყებები

ახალი ფორმისა

თანამად უწ. სინოდის ნაჩვენებ ნიმუშისა.

## კანტრაკტი

საეკლესიო მამულების იჯარით გასაცემად

## სავაჭრო ფურცელი

(Торгов. листъ)

## ჯილდოს ფურცელი

(Наградн. листъ).

— მოიპოთხეთ —

იმერეთ. წმ. გიორგის სარწმ. განმ. „ძმობის“

## სტამბაში

ქ ქუთაისში, თფილისის ქუჩაზე, ს. კირიშვილის  
სახლში (გუბერნატ. კანც. ქვეშ).

## Открыта подписка

на ЛИТЕРАТУРНО-ХУДОЖЕСТВЕННЫЙ журналъ

# „ВЕСЬ МІРЪ“

въ 1910 году.

Журналъ издается при участіи лучшихъ литературныхъ и художественныхъ силъ—по типу иностранныхъ литературныхъ еженедѣльниковъ.

По богатству и разнообразію матерьяла „ВЕСЬ МІРЪ“ является первымъ въ Россіи иллюстрированнымъ еженедѣльникомъ.

Въ программѣ журнала все отдѣлы толстыхъ журналовъ.

### ЕЖЕНЕДѢЛЬНЫЙ ИЛЛЮСТРИРОВАННЫЙ ФЕЛЬЕТОНЪ

Новости русской и иностранной художественной жизни. Новости науки и искусства. Снимки съ картинъ, портреты, фотографіи, рисунки, шарки, карикатуры и проч.

Пробный № высылается за одну 7-копѣчную марку.

## Подписка на „ВЕСЬ МІРЪ“.

1 годъ—(52 №№)—2 р. 50 к.; 6 мѣс.—1 р. 25 к.; 3 мѣс.—70 к.; 1 мѣс.—25 к.—съ доставкой и пересылкой. За переѣзду адреса подписчики уплачиваютъ 15 коп. Разсрочка допускается для годовыхъ подписчиков: 1 р. при подпискѣ, 1 р. къ 1 марта и 50 к. къ 1 июля.

Пріемъ подписки и объявленій въ конторѣ журнала

## „ВЕСЬ МІРЪ“

Москва, Никольская, домъ Чижевскаго подворья.

Годовые подписчики журнала „ВЕСЬ МІРЪ“ на 1910 г. получаютъ бесплатно все номера журнала, вышедшіе въ 1909 г.

(3—2)